

ADOLAT

IJTIMOIIY-SIYOSIIY GAZETA info@adolatgzt.uz www.adolatgzt.uz www.adolat.uz № 38 (1259) 2019-yil 20-sentabr, juma

Беш бармоқ бирлашди...

МУНОСАБАТ

Маълумки, азалдан тили, эътиқоди, турмуш тарзи яқин халқлар бир-бирига интилиб келган. Ахир, якка отнинг чанги чиқмас ҳикмати ҳам бежиз айтилмаган. Яхши-ёмон кунларда бир-бирини қўллаган, бир-бирига ғамхўрлик қилган, бир-бирига суянч ва паноҳ бўлган элатлар дунё тамаддунида ўзларига хос ва мос ўринларни нисбатан тезроқ эгаллашган. Бунга тарихда мисоллар кўп. Туркий тилли давлатлар ўртасида ҳам алоқаларни янада жадаллаштириш мақсадида 2009 йилнинг 3 октябрида Нахичеван шаҳрида Озарбойжон, Қозоғистон, Қирғизистон ва Туркия давлатлари раҳбарлари "Туркий тилли давлатлар ҳамкорлиги Кенгашини тузиш тўғрисидаги Битим" имзолаган.



Битимга асосан Туркий кенгаш халқаро ҳукуматлараро ташкилот ҳисобланади, унинг мақсад ва вазифалари эса туркий тиллар мамлакатлари ўртасида ўзаро ишонч, дўстлик ва яқин кўшнчиликни мустаҳкамлаш, минтақада, умуман дунёда тинчликни қўллаб-қувватлаш ҳамда хавфсизликни таъминлашга қаратилган.

Ташкилот Туркий тилли давлатларнинг раҳбарлари кенгаши, Ташки ишлар вазирлари кенгаши, Катта мансабдор шахслари қўмитаси, Оқсоқоллар кенгаши ва Котибиятдан таркиб топган бўлиб, аъзо мамлакатларнинг иқтисодий, инвестиция, боғжона, транспорт, таълим, ту-

ризм, ахборот каби соҳаларда мутасадди ташкилотлар ва мутахассислари иштирокида учрашувлар ташкиллаштирилиб, ҳар бир аъзо давлатнинг манфаатидан келиб чиққан ҳолда келишувларга эришилади.

Туркий кенгаш унга аъзо давлатларнинг мулоқоти ва ҳамкорлигини илгари суриш мақсадида тузилган йирик минтақавий бирлашма ҳисобланади. Ушбу ташкилотнинг шаклланишига қадар Ўзбекистон туркий тиллар давлатлари ўртасида икки томонлама ҳамкорликни ўрнатиш ва янада ривожлантиришда фаол иштирокчи ва ташаббускорлардан бири бўлган.



ДАСТУР ЛОЙИҲАСИ МУҲОКАМАДА

Бугун сайловчилар ишончини қозониш осон иш эмас. Бунинг учун сиёсий партия халқ олдида шунчаки қуруқ гаплар ёки асоссиз ғоялар билан эмас, аниқ ва ҳаётий вазифалар, халқни ўйлантираётган муаммоларга ечимлар билан чиқиши лозим. Партиянинг дастурий ҳужжатлари ҳам шундан келиб чиққан ҳолда шакллантирилиши зарур. Шу мақсадда Ўзбекистон "Адолат" социал-демократик партияси ҳудудларда, бошланғич партия ташкилотларида, маҳаллаларда Сайловолди дастури лойиҳасини кенг муҳокамадан ўтказмоқда.

ЖАМОАТЧИЛИК МУҲОКАМАСИ

Суд-ҳуқуқ тизимида қандай ислоҳотлар зарур?

Ўзбекистон Адвокатлар палатасида "Адолат" СДП Сайловолди дастури лойиҳасининг суд-ҳуқуқ соҳасига доир вазифалар муҳокамасига бағишланган "Суд-ҳуқуқ тизими — партия Сайловолди дастуридаги устувор йўналиш" мавзусида тadbир ўтказилди. Тадбир партиянинг ушбу йўналишдаги доимий ҳамкорлари Ўзбекистон Республикаси Олий суди, Инсон ҳуқуқлари бўйича Ўзбекистон Республикаси Миллий маркази, Адвокатлар палатаси билан ҳамкорликда ташкил этилди.

Қуруқ гаплар, асоссиз ғоялар билан ишонч қозонилмайди

Жорий йилнинг 13 сентябрь кuni Ўзбекистон "Адолат" СДП Сиёсий Кенгаши ва Қонунчилик палатасидаги партия фракциясининг Сайловолди дастури лойиҳаси муҳокамасига бағишланган кўшма йиғилиши бўлиб ўтди.

Тошкент давлат иқтисодийёт университетида бўлиб ўтган ушбу тадбирда партия Сиёсий Кенгаши аъзолари, депутатлар, фаоллар ҳамда экспертлар ҳамда оммавий ахборот воситалари вакиллари иштирок этишди.

Таъкидланганидек, партия Сайловолди дастури лойиҳаси 3000 дан ортиқ

бошланғич партия ташкилотларида кенг муҳокамадан ўтказилди. Шунингдек, бугунги кун талабларидан келиб чиққан ҳолда "Менда таклиф бор" (#MendaTaklifBor) хештеги асосида ижтимоий тармоқ фойдаланувчиларининг фикрлари олинди. Утган давр мобайнида ҳар икки йўналишда партия экспертлар гуруҳига мингдан ортиқ таклифлар келиб тушди. Мазкур таклифлар экспертлар томонидан умумлаштирилиб, муҳокамага қўйилган дастур лойиҳасида ўз ақсини топгани кайд этилди.

Муҳокамалар жараёнида Дастур лойиҳасидаги суд-ҳуқуқ, соғлиқни сақлаш, таълим ва илм-фанга доир устувор йўналишларга алоҳида эътибор қаратилди.

Жумладан, соғлиқни сақлаш соҳасида замонавий ахборот-коммуникация технологияларини жорий этиш, "Ақли тиббиёт" тизимини шакллантириш, жойларда аҳолига малакали тиббий ёрдам кўрсатиш, доридармонларнинг ноқонуний айланиши устидан партиянинг қатъий позициясини билдириш, таъсирчан қонунчилик механизмларини ишлаб чиқиш белгиланди.

Таълим соҳаси экспертлари томонидан мамлакат аҳолисининг 60 фоиздан ортигини ёшлар ташкил этаётган шароитда, уларнинг атиги 10 фоизгина олий таълим муассасаларига қамраб олинаётганлиги қайд этилди. Олий ўқув юртига қабул квотасининг камлиги, тест саволларидаги айрим мураккабликлар боис бир қатор ёшларимиз хорижий давлатларда таълим олишни маъқул кўрмоқда. Бундан ташқари, мазкур омиллар туфайли ўқишга кириш жараёнида коррупция ҳолатлари учрамоқда.

Жорий йилнинг декабрь ойида Олий Мажлис Қонунчилик палатаси ва халқ депутатлари маҳаллий Кенгашларига сайлов бўлиб ўтади. Ушбу сайловга тайёргарлик кўриш мақсадида ҳар бир партия ўз Сайловолди дастурини ишлаб чиқади.

Шу кунларда Ўзбекистон "Адолат" СДПнинг янги Сайловолди дастури лойиҳаси кенг муҳокама қилинмоқда. Учрашувда ушбу дастур лойиҳасининг суд-ҳуқуқ соҳасига оид қисми апрофлича муҳокама этилиб, мазкур тизимдаги ислоҳотлар натижаси ҳақида сўз юритилди. Хусусан, соҳада аҳолининг норозилигига сабаб бўлаётган омиллар танқидий ўрганилди.

Иштирокчилар мавжуд камчиликларни аниқлаш, тегишли қонунларга ўзгартиш ва қўшимчалар кириштиш, янги қонунлар ишлаб чиқиш хусусида фикр билдириб, бу саъй-ҳаракатлар ҳар бир соҳада, жамият ҳаётида қонун устуворлигини таъминлаш, инсон ҳуқуқи ва манфаатларини рўйбга чиқаришга хизмат қилишини таъкидлашди.

Бугунги сонда:

Прописка: тартиблар ўзгариши керак

Қонун ҳужжатларида "мазкур фуқаролар лавозимда турадиган даврга" деб белгиланганлиги қачондир лавозимдан озод этилгач, "фуқарони белгиланган тартибда Тошкент шаҳри ва Тошкент вилоятидан илгариги яшаш жойига ёки фуқаронинг аризасига кўра бошқа минтақага пропискадан чиқаради" деган талаб ижро этилишига сабаб бўлиши афсусланарлидир.

Фирибгарлар тузоғига илиндим...


Шуниси ажабланарлики, тажрибали катта нотариус М.Кенжаева қарз шартномаси тузишда гаров қўйиш лозимлиги ва гаров шартномасида қайд этилиши кераклиги ҳақида ҳеч нарса демади. Бир неча муддат ўтиб, С.О. ва А.П. уйимдан "Сартива" автомашинасини ўғирлаб кетишди. Мен бу ҳақда ички ишлар бўлимига мурожаат қилдим. Улар машина гаровга берилганлиги ҳақидаги тилхатни инobatга олмай, «бу ҳақда қарз шартномасида ҳеч нарса дейилмаган», деган ваз билан чора кўришни рад этишди.

Оширилган контракт, туширилган стипендия —

ҚАНЧАЛИК АДОЛАТЛИ?!

Янги ўқув йилидан бошлаб, давлат гранти ва тўлов контракт асосида ўқийдиган барча талабалар учун стипендия миқдори бир хил, яъни 400 минг сўм этиб белгиланди. Стипендиялар миқдорининг талаба олган баҳога нисбатан дифференцияси, яъни "ўрта", "яхши", "аъло" баҳолар учун стипендия бекор қилинди. Бунинг ўрнига фаол, аълочи, жамоатчи талабалар учун ОТМ ректорлари томонидан стипендиянинг 50 фоизгача, яъни 200 минг сўмгача миқдорида рағбатлантирувчи маблағ жорий қилинадиган бўлди.

Буни қандай тушуниш мумкин? Жорий қилинаётган ушбу тизим қанчалик адолатли?! Олий таълим мутасаддиларининг мазкур "инновацияси" "5" баҳо олишга астой-



дил интилаётган аълочи талабаларнинг шаштини сўндириб қўймаймиди? Талабанин 50 фоизлик мукофотни олиш илинжи турли қинғирлик ва адолатсизликларга замин яратмайди? Бу тизим талабаларнинг ректор, проректор ва декан жанобларига лаганбардорлигини келтириб чиқармайди?

Қуруқ гаплар, асоссиз ғоялар билан ишонч қозонилмайди

Давоми.
Бошланғич 1-бетда

Шу боис ўз дастурида таълим соҳасини устувор деб билган "Адолат" СДП олий таълим муассасаларига қабул квотасини бекор қилиш таклифини илгари сураётганлиги ҳам алоҳида таъкидланди.

Фахриддин МУСАЕВ,
Ўзбекистон Республикаси Миллий гвардияси Ҳарбий-техник институти "Гуманитар ва ижтимоий фанлар" кафедраси профессори, партия эксперти:

— Партия томонидан олий таълим муассасаларига киришда белгилаб қўйилган квотани бекор қилиш ташаббуси ўринлидир. Лекин шу ўринда сифатли таълим тизимига ҳам бирдек эътибор қаратиш керак. Шу боис квота масаласини босқичма-босқич моддий ва техник имкониятлардан келиб чиққан ҳолда амалга ошириш лозим. Бу ташаббуслар мақсадли ҳамда манзилли бўлиши керак. Шунингдек, кадрлар етишмаслиги масаласини худудлар кесимида тўлиқ таҳлил қилиш талаб этилади. Масалан, Бўхоро вилоятида математика фанидан дарс берувчи ўқитувчилар кўп, лекин улар Тошкент вилояти ёки

Сирдарё вилоятига келиб мактабда дарс бермайди, бунинг учун биринчи галда уларнинг ижтимоий ҳимоясини таъминлаш керак. Кадрларнинг интеллектуал салоҳиятини ошириш учун агар квоталар оширилса, супер контракт деган тушунчани бекор қилиш зарурати вужудга келади.

Тадбирда сўзга чиққанлар томонидан коррупцияга қарши курашиш масаласи ҳам партия дастурининг асосий йўналиши бўлиши лозимлиги билдирилди. Чунки мазкур соҳада амалга оширилаётган ислохотларга қарамай, халқаро индексларда мамлакатимиз рейтингига ўта пастлигича қолмоқда. Ушбу кўрсаткични ижобий томонга ўзгартириш мақсадида партиянинг парламентдаги фракцияси изчил ўрганишлар олиб бориб, аниқ натижаларга эришиши устувор вазифа эканлиги ҳам алоҳида қайд этилди.

Бунинг учун партия мутасадди идоралар билан ҳамкорликда коррупцияга қарши кураш, жамиятда ушбу иллатга нисбатан мутлақо тоқатсизлик маданиятини шакллантиришга қаратилган тизимли чора-тадбирларни ишлаб чиқишни ўз дастурида белгилаш лозимлиги эътироф этилди.

Муҳокамалар жараёнида жамият ва давлат ҳаётида



адолат тамойилини жорий этиш партия дастурининг устувор ғояси бўлиб қолиши таъкидланди. Бунинг учун партия аҳоли орасига янада кенг кириб бориши, уларни ўйлантараётган масалаларни, мазкур соҳадаги муаммоларни биргалликда ҳал этиши зарур. Шу билан бирга, партия экспертлари томонидан турли йўналишларга бўлинган судларни умумлаштириш таклифи билдирилди.

Адхам ЭЛТОЕВ,
тадбир иштирокчиси:
— Партия Сайловолди дастуридаги электрон тушунчасини умумий сайловчилар тушунчаси билан алмаштириш лозим. Партия учун сайловлар жараёнида ҳар бир овоз муҳим. Шунингдек, Сайловолди дастури лойиҳасини ихчамлаштириш керак. Дастурда умумий баён тарзидаги қуруқ жумлалардан фойдаланиш, мантиқан чалқашликлар сайлов жараёнида номзодлар учун ҳам қийинчилик туғдириши мумкин.

Кизгин баҳс-мунозаралар, амалий таклифларга бой бўлган учрашувда билдирилган таклифлар инобатга олиниши кераклиги қайд этилди. Дастур лойиҳаси юзасидан билдирилган кўплаб фикр ва таклифлар асосида партиянинг мамлакат келажакига дахлдор Сайловолди дастури янада такомиллаштириш, унда декларатив мазмундаги жумлалардан бутунлай воз кечиб, содда, тушунарли, халқона тарзда шакллантириш учун жойларда танқидий муҳокамадан ўтказишни давом эттириш белгилаб олинди.

Ўзбекистон "Адолат" СДП
Матбуот хизмати

ДЕПУТАТЛИК ГУРУҲЛАРИДА

Вақт бамисоли тезоқар дарё, дейдилар. Беш йил аввал, худди шу кунлари навбатдаги сайловларга тайёргарлик қўраётган эдик. Ушанда партияимиздан кўрсатилган номзодлар ёмон натижа кўрсатмади. Халқ депутатлари туман Кенгашида илк бор олти ўринга эга бўлдик. Бу эса депутатлик гуруҳи тузиш имконини берди.

Мана, орадан беш йилга яқин фурсат ўтди. Энди галвирни сувдан кўтариш, ўтган даврда қилинган ишларнинг сарҳисобини чиқариш мумкин. Чўқурроқ таҳлил этилса, ютуқлар қаторида айрим камчиликлар, фойдаланилмаган имкониятлар ҳам кўзга ташланади. Буларнинг ҳаммаси биз учун сабоқ бўлади, албатта. Келгуси даврга иш режаларини тузганда уларни ҳисобга оламиз ва ўйлаб-ўйлаб, кейинги натижалар янада юқори самара келтиради.

Халқ депутатлари туман Кенгашидаги партия гуруҳимиз аъзолари турли касб эгаларидир. Масалан, депутатлик гуруҳи раҳбари Саидолим Абдурахмонов журналист, республика ва вилоят газеталарида ишлаган. Айни пайтда "Тараққиёт мезони" газетасининг бош муҳаррири. У маҳаллий Кенгаш сессияларида, доимий комиссия йиғилишларида фаол қатнашиб, муҳокама этилаётган ҳар бир масала бўйича партиядошларимиз фикрини айтишга ҳаракат қилади.

Натижа, сабоқ ва хулоса

Масалан, 35-умумтаълим мактабида Хусанбой Файзуллаев исм-шарифли ўқувчи бор. Маълум бўлишича, унинг бир буйрағида хасталик аниқланганлиги сабабли олиб ташланган. Лекин тиббий кўрик натижалари ўрганилганда, шифокорлар уни соғла-соғ деб қайд этганликлари депутат ва фаолларимизни ажаблантирди. Ана сизга кўзбўямачилик! Шунга ўхшаш бошқа мисоллар ҳам йўқ эмас.

Ёки айрим мактабларда тиббиёт хоналари ташкил этилмаганлигига нима дейсиз? Бунга 20-умумтаълим мактабини мисол келтирса бўлади.

Сессияда муҳокама қизгин ўтди, кўплаб фикр-мулоҳазалар билдирилди. Уларнинг ҳаммаси ҳисобга олинди, энг муҳимлари қарор лойиҳасига қўшилди. Вазиятни ўнглаш юзасидан чора-тадбирлар белгиланди.

Албатта, масала сессияга қўйилгани ва муҳокама этилгани, мазмундор ҳамда таъсирчан қарор қабул қилингани яши. Аммо иш шу билан тугади, деб хотиржам бўлишга ўрин йўқ. Бу ҳақда яқинда депутатларимиз иштирокида ўтказилган йиғилишда фикрлашдик. Олимхўжа Мақсудов, Саидолим Абдурахмонов ва

Абдуллахон Жалилов сессия қарори қандай бажарилаётганини мониторинг қилишни таклиф этишди. Масала депутатлик гуруҳининг иш режасига кири-тирildi. Янги ўқув йили бошланиши билан мактабларда яна ўрганишлар бошлаб юборилди.

Умидаҳон Абдуллаева ҳам фаол депутатларимиздан. У тиббиёт биллашмасида ҳамшира бўлиб ишлайди. Вақт топиши билан кенгашимиз ўтказадиган ҳаётий муаммолар қатнашади. Бунга ўзи учун биринчи даражали вазифа ҳисоблайди. Чунки аҳоли билан мулоқотларда ҳаётий муаммолар аниқланади, уларни ҳал этишга кўмаклашиш эса барчамизнинг бурчимиздир. Сайловчилар билдирган таклиф ва мулоҳазалар депутатлик сўровларига мавзу ҳам бўлади. Масалан, "Навбахор" маҳалласи аҳли билан учрашув чоғида электр таъминотида узиллишлар кўплиги аҳолини қийнаётгани маълум бўлди. Симёғочларнинг аксарияти эскириб, яроқсиз ҳолга келганлиги аниқланди.

Туман электр тармоқлари корхонасига депутатлик сўрови юборилган, тез орада амалий ишлар бошланди. Орадан кўп ўтмай 40 та янги темир-бетон устунлар эскирган симёғочлар ўрнини эгаллади. Электр узатувчи симлар ҳам алмаштирилган, маҳаллада электр таъминоти барқарорлашди.

6-Ифтихор сайлов округидан халқ депутатлари туман Кенгашига сайланган депутат Умидаҳон Абдуллаева жорий йилнинг ўтган даврида сайловчиларнинг мунозаралари асосида 10 та депутатлик сўрови тайёрлаб, тегишли мутасаддиларга юборди. Улардан саккизтаси ўз вақтида ҳал қилинди. Иккитаси бўйича ўрганишлар давом этмок-

да. Бу ҳақда депутатимиз яқинда сайловчилар ҳузурига ҳисобот берганда ҳам айтиб ўтди. Кўпчилик унинг маҳаллий ҳокимият вакиллик органидаги фаолиятини маъқул топанлиги ҳам эътиборга молик.

Депутатлик гуруҳимизнинг яна бир фаол аъзоси — Баҳромжон Ҳайитбоев туман тиббиёт биллашмасига қарашли марказий касалхонада врач бўлиб ишлайди. Депутат сифатида ўз сайлов округидаги аҳоли вакиллари билан доимий мулоқот олиб боради. У маҳалла фаоллари билан ҳамкорликда иш олиб боришни одат қилган. Бир йил аввал кўпчилик билан суҳбатда тўйлар ва бошқа маросимларни камчиким, ихчам ва дабдабазликсиз ўтказиш масаласи кўтарилганди. Депутат таклифи билан маҳалла оқсоқоллари, хурматли кишилар йиғилиб, маслаҳатлашдилар. Ҳар бир оилавий маросим янги тузилган ишчи гуруҳи билан бамаънафат ўтадиган бўлди.

Эндиликда тўйлар ортқича дабдабозликларсиз ўтмоқда. Келин-куёвлар учун ўнлаб машиналардан қортежлар ташкил этишга барҳам берилди. Ҳамма маросимлар ихчамлаштирилгани оилаларга фақат фойда бўлди.

Яна бир депутатимиз — Абдукарим Дўсбоев тумандаги таниқли бинокорлардан, кўп йилдан бери "Чортоқархитектурлиш" масъулияти чекланган жамиятига раҳбарлик қилади. Депутат сайловчилар билан доимий мулоқотда улар билдирадиган таклиф ва мулоҳазаларни эътиборсиз қолдирмайди. Масалан, яқинда бир гуруҳ ота-оналар 1-мактабга таълим муассасасида шахмат-шашка майдончасини барпо этишда ёрдам сўрашди. Депутат ташаббуси билан таклиф амалга ошди. Бундан ота-оналар ҳам, педагоглар ҳам мамнун бўлишди.

Албатта, депутатларимиз ўтган салкам беш йил мобайнида муайян ишларни амалга оширдилар. Лекин бундан-да яхшироқ ишлаш, залворлироқ натижаларга эришиш ҳам мумкин эди. Келгусида албатта, шу йўлдан борамиз. Зотан, давлатимиз раҳбари таъкидлаганидай, "Ҳар қандай сиёсий партия замон билан ҳамнафас бўлиб, унинг ўткир талабларига жавоб берган тақдирдагина сиёсий куч сифатида яшай олади".

Ҳабибахон МИРАБДУЛЛАЕВА,
Ўзбекистон "Адолат" СДП Чортоқ туман кенгаши раиси

"ПАРТИЯ ПАТРОНАЖИ": аъзолар сафи кенгайишига хизмат қилмоқда

"Партия патронажи" лойиҳаси доирасида шаҳар, туман партия кенгашлари фаоллари чақирувлар асосида хонадонлар ва ташкилотларда бўлиб, Ўзбекистон "Адолат" СДП сафида бўлишни истаган фуқароларга аъзолик билетини топширмоқда.

Жиззах вилояти Шароф Рашидов туманидаги 20-умумтаълим мактаби маъмурияти томонидан ўқитувчилар ва ходимларни партия аъзоллигига қабул қилиш юзасидан чақирув келиб тушди. Мурожаат асосида туман партия кенгаши раиси Воҳид Саитхонов ушбу таълим масканига бўлиб, мактаб жамоаси билан учрашди. Тадбирда партиянинг фаолияти ва мақсад-вазифалари, Сайловолди дастури лойиҳаси, сайлов жараёнларига тайёргарлик ишлари ҳақида атрафлича сўз юритилди. Шу кун 25 нафар ўқитувчи ва ходимлар сафимизга қўшилдилар.

Тошкент шаҳар партия кенгаши электрон почтасига талаба Дилмурод Ўсаровдан мурожаат келиб тушди, у партияимизга аъзо бўлиш истагиди эканлигини билдирди.

Ўзбекистон "Адолат" СДП "Ёшлик" талабалар шаҳарча кенгаши раиси Нилуфар Одилова мурожаатда қайд этилган хонадонга борди.

— "Адолат" партияси ўз дастурида олий таълим тизимидаги долзарб масалаларни кўтариб қийаётгани эътиборимни тортди, — дейди Тошкент Молия институти талабаси Дилмурод Ўсаров. — Менда фаолиятингизга қизиқиш уйғонди.

Суҳбат давомида Дилмуродга аъзолик билети топширилиб, дастурида таълимнинг барча бўғинлари юзасидан амалга оширилиши режалаштирилган мақсад-вазифаларимиз атрафлича тушунтирилди.

Электрон манзилимизга талабалардан келиб тушган яна бир чақирувга кўра, Тошкент шаҳар ҳамда "Ёшлик" талабалар шаҳарчаси партия кенгашлари вакиллари талаба Салимжон Отақуевнинг уйида у билан учрашди.

— Партия ходимлари мурожаатимдан сўнг тез етиб келишди, — дейди талаба С.Отақуев. — Улар билан суҳбатлашгач, партияга аъзо бўлдим.

Куйи Чирчиқ туман партия кенгашида ташкил этилган "Партия патронажи" навбатдаги чақирувни қабул қилди. Улар тумандаги "Йилқичи" маҳалласида истикомат қилувчи фуқаро Шаҳзод Марипжоновнинг хонадонига бўлишди.

— Сиёсий партиянинг фаолиятини қузаитиб борамай, — дейди Ш.Марипжонов. — Анчадан бери қайси сиёсий партияга аъзо бўлсам экан, деб ўйлаб юрардим. Ҳар бир партиянинг ғоялари ва ундаги илгари сурилган устувор вазифалар билан яқиндан танишиб чиқдим. "Адолат" социал-демократик партиясининг мақсади ва ғояларидан кўнглим тўлди.

Шофиркон туман партия кенгашида ташкил этилган "Партия патронажи"га бир кунда ўнча чақирув келиб тушганлиги қувонарлидир.

Масалан, Шофиркон туман мактабгача таълим бўлими томонидан келиб тушган чақирув партия ходимларининг фаолиятини оширди. Натижада мазкур муассаса ходимларидан олти нафари партия аъзоси бўлди.

Шофиркон туман Фуқаролар ўзини ўзи бошқариш органлари фаолиятини мувофиқлаштириш бўйича кенгашида эса ушбу ташкилотнинг тўрт нафар ходимига партияга аъзолик билети топширилди.

Худудлардан шу мазмунда келаятган хабарлар "Партия патронажи" лойиҳаси партия сафлари кенгайишига амалий ҳисса қўшаётганини кўрсатмоқда.

Дурдона АЛИМОВА,
лоийҳа координатори

Симёғочлар 47 йил деганда алмаштирилди

ДЕПУТАТ АРАЛАШГАЧ

Ўзбекистон "Адолат" СДПнинг "Адолат — қонун устуворлигида" лойиҳаси доирасида Бўстонлиқ туман партия кенгаши фаолларидан иборат ишчи гуруҳи томонидан жойларда олиб борилаётган юзма-юз мулоқотлар ўз самарасини бермоқда.

Жумладан, ушбу ишчи гуруҳи аъзолари тумандаги "Қорамозор" маҳалла фуқаролар йиғини ҳудудига истикомат қилувчи аҳоли билан учрашиб, фуқароларнинг мурожаатларини ўрганишди.

Эътиборлиси, мазкур мулоқотлар чоғида аниқланган бир қатор муаммолар ижобий ҳал этилиб, фуқароларнинг манфаатлари рўйга чиқарилди. Хусусан, маҳалланинг "Чах-чам", "Учбов", "Ғижол" қишлоқларида истикомат қилувчи фуқароларнинг маҳаллалар ичида жойлашган симёғочлар 47 йил олдин ўрнатилганлиги, уларни янгисига

алмаштириш зарурлиги ҳақидаги мурожаати ўрганиб чиқилди.

Мазкур масала юзасидан депутат Д.Бахтиёров томонидан туман электр тармоқлари корхонаси бошлиги номига депутатлик сўрови юборилди. Шундан сўнг амалий саъй-ҳаракатлар бошланиб, депутатлик сўрови асосида "Қорамозор" маҳалласига қарашли учта қишлоқ кўчаларидаги симёғочлар янгисига алмаштирилиб, тунги чироклар ўрнатилди.

Фотима САТТОРОВА,
Тошкент вилоят кенгаши матбуот котиби

ДАСТУРДА ҳаёт акс ЭТСИН!

Партиянинг Сиёсий ва Сайловолди дастурлари юзасидан кенг жамоатчилик ўртасида, ижтимоий тармоқларда кўп фикр-мулоҳазалар билдириладиганига барча бирдек гувоҳ бўлмоқда. Улар орасида жамиятимиз, халқимиз манфаатларини ифодаловчи кўплаб ўринли таклифлар берилмоқдаки, бу таклифларни қўллаб-қувватлайман.



Шо'руҳбек НИЯЗБЕКОВ,
Ўзбекистон Республикаси
Молия вазирлиги
хузуридаги бюджетдан
ташқари Пенсия жамғармаси
Якқасарой туман бўлими
ўринбосари, партия фаоли

Пенсия

Таъминоти: электрон база йўлга қўйилиши керак

Янги дастурлар лойиҳасида фуқароларни ижтимоий ҳимоя қилиш ҳақида алоҳида сўз юритилган. Аммо ижтимоий ҳимоянинг бош бўғини ҳисобланган пенсия таъминоти, нафақага чиқаётган фуқароларга қулайликлар яратиш, уларни қўллаб-қувватлаш борасидаги вазифаларга кўзим тушмади.

Бугунги кунда мамлакатимиз ҳаётининг барча жабҳаларида электрон фаолият оммалашди. Бу эса иш жараёнида ходимлар учун қулайлик яратиш, иш самарасига ижобий таъсир кўрсатмоқда. Бу каби имкониятларни янада кенгайтириш мақсадида партия Сайловолди дастурида Молия вазирлиги хузуридаги бюджетдан ташқари Пенсия жамғармаси билан Республика давлат архиви ўртасида ягона маълумотлар базаси серверини ташкил этиш юзасидан вазифа белгиланса, айтиш мумкин бўлар эди.

Ушбу йўналишда электрон база жорий қилинса, пенсияга чиқаётган фуқаролар тегишли ҳужжатларни тўплашида сарсонгарчиликка йўл қўйилмасди. Шунингдек, пенсия жамғармаси ходимлари Марказий архивдан электрон база орқали фуқаро фаолиятига тегишли маълумотларни тўғридан-тўғри олиш имконига эга бўлиши керак, деб ўйлайман. Бу билан қисқа фурсат ичида мурожаатчининг

ҳужжатларини ўрганишда, пенсия тайинлашда яна бир шароит яратилган бўлар эди. Боиси, ҳар бир ҳужжатни ўрганиб, хулоса асосида пенсия тайинлаш, анчагина вақтнинг талаб этади. Электрон база туфайли ҳам фуқарога, ҳам соҳа вакилига бирдек қулайлик яратилиб, иш самарадорлиги ошиши, аҳоли эътирозларининг камайишига эришилади. Мазкур базадан фуқароларнинг паспорти, қон гуруҳи, яшаш манзили, иш фаолиятига тегишли керакли маълумотлар жамланиши мақсадга мувофиқдир. Шу билан бирга, ушбу базадан фақат тегишли ташкилотларгагина фойдаланиш ҳуқуқини бериш ўринли, деб биланам.

Шунингдек, аҳолига пенсия жамғармаси муассасалари томонидан янада сифатли хизмат кўраётганини таъминлаш мақсадида, ҳар бир пенсионерга интернет тизими орқали "Шахсий кабинет" очиш зарур, деб ўйлайман. Бу фуқарога исталган вақтда, ўз уйида ҳам пенсия таъминоти борасидаги маълумотларни билиб бериш имконини беради.

Айтиш лозимки, партия дастури халқ манфаатлари ва фаровонлиги учун хизмат қилар экан, унда одамлар ишончини оқлай оладиган халқчил ҳамда аниқ мақсад-вазифалар мужассам бўлиши лозим.

ПРОПИСКА: тартиблар ўзгариши керак

"Adolat" газетаси саҳифаларида партияимизнинг янги дастурлари лойиҳалари юзасидан билдириладиган бир қатор таклифлар билан танишган киши уларда аҳолини ўйлантириб келаётган ҳаётини муаммолар ўз аксини топганлигини англайди. Муҳими, сафдошларимиз бу муаммоларнинг аниқ ечимлари ҳақида ҳам сўз юритишмоқда.

Шулардан бири фуқароларни Тошкент шаҳрида доимий прописка қилиш масаласидир. Газетанинг шу йил 23 август кунги 34-сонидан эълон қилинган Кармана тумани адлия бўлими бошлиғи П.Худойбердиевнинг "Прописка: Тартиблар ўзгариши керак" сарлавҳали мақолада ҳам ушбу долзарб мавзу атрофида ёритилган. Мақолада ўқиб, фуқароларнинг Тошкент вилояти ва Тошкент шаҳрида прописка қилинишига доир норматив-ҳуқуқий ҳужжатлардаги айрим чалқашликлар, ноқулайлик пайдо қиладиган жиҳат-ҳуқуқий қўриб чиқиши, бу борадаги тартиблар ўзгариши зарурлигини тушунасиз.

Муаллиф таъкидлаганидек, юртимизнинг истаган ҳудудидан келган фуқаронинг пойтахтимизда янги қурилган уйлardan сотиб олиши унинг тез фурсатда доимий прописка қилинишига асос бўлади. Шу тартиб асосида кўплаб юртдошларимиз Тошкент шаҳрида доимий пропискага ва ўз уйига эга бўлиши, бу жараён давом этмоқда. Албатта, бу уйлarning нархи осмонда эканини яхши биламиз. Бироқ, бу энди алоҳида мавзу...

Аммо пойтахтимизда доимий пропискага эга бўлмаган, бирор ташкилот, муассаса ёки корхонада меҳнат фаолиятини юритаётган фуқароларнинг аксарияти иккиламчи бозордан уй-жой

сотиб олишга интилади. Мутасадди ташкилотнинг илтимосномаси асосида прописка қилинган фуқаролар учун турар жой олиш, прописка си кейинчалик ўз кучида қолиши борасида жиддий муаммолар мавжуд.

Чунки тегишли қонун ҳужжатларида "мазкур фуқаролар лавозимда турадиган даврга" деб белгиланганлиги қачондир лавозининг мидан озод этилгач, "фуқарони белгиланган тартибда Тошкент шаҳри ва Тошкент вилоятидан илгариги яшаш жойига ёки фуқаронинг аризасига кўра бошқа минтақага пропискadan чиқаради" деган талаб ижро этилишига сабаб бўлиши афсусланарлидир. Бу ўринда "лавозим" тушунчасидан кўра "тизим" тушунчасини қўллаш, шунга доир меъёрни "тегишли тизимда каммида уч йилдан буён ишлаб келган бўлса", деган мазмундаги жумлада ифода қилинганлиги фикрларга қўшиламан.

Шу ўринда ташкилотларнинг илтимосномаси асосида пойтахт ҳудудидан прописка қилинувчи ишчи-ҳодимлар учун бошқа яна айрим ноқулайликлар борлигини ҳам қайд этиш керак. Янги қурилган уйлardan турар жой сотиб олувчи фуқаролар фойдаланаётган тартиблар содда бўлгани каби ташкилотлар илтимосномаси билан прописка қилинув-



Кизиларшой РАҲМАТОВА,
халқ депутатлари
Сурхондарё вилояти
Кенгаши депутати

Ҳар бир ота-она фарзандининг нафақат соғлом ўсишини, балки қадли-қомати расо бўлиб улғайишини чин дилдан истайди. Мутахассисларнинг таъкидлашича, болаликда-ноқ инсон қоматининг шаклланишида оёқ қафтининг тузилиши, бир текисда ривожланиши катта аҳамиятга эга.



Фахриддин ОРИФХОНОВ,
Ўзбекистон "Адолат" СДП
Сурхондарё вилоят кенгаши
раиси ўринбосари

Ясситовон фарзандлар ҳарбий хизматга ярайдими?

Шу боис шифокорлар болаларда ясситовонлиқнинг олдини олиш учун бажариладиган машқлар билан бир қаторда уларга махсус целларда машқлар чиқарилган ортопедик тагликли пойабзал кийдиришни тавсия қилишади. Махсус пойабзал чарм матодан тайёрланиб, ясситовонлиқни даволаш билан бирга юзага келадиган айрим касалликларнинг олдини олади.

Аммо бундай пойабзаллар нархи қиммат, ҳамёнбоп эмаслиги кишини ўйлантиради. Сифатсиз, арзон пойабзалларнинг эса бозори қачон бўлаверади. Аслида барча турдаги сифатли пойабзалларнинг ҳар бири ортопедик тагликли қилиб тайёрланиши стандарт талабларидан бири ҳисобланади. Афсуски, аксарият ҳолларда харидорлар пойабзал танлашда бу талабга риоя этмайди. Айниқса, 11 ёшгача бўлган болалар сифатли оёқ кийим киймаслиги оқибатида ясситовонлиқ касаллигига чалинади.

Шуни инобатга олиб, юртимизда оёқ кийим ишлаб чиқарадиган фабрикаларнинг барчасини сифатли ортопедик оёқ кийим ишлаб чиқаришга мослаштириш зарур. Жуда бўлмаганда болалар пойабзалларининг нархини арзонлаштириш чораларини кўриш керак, деб ўйлаймиз. Фарзандларимизнинг жисмонан соғлом ўсиши уларнинг ясситовонлиқка чалинмаслиги билан узвий боғлиқ эканини асло назардан четда қолдириб бўлмайди. Шунингдек, ҳарбий хизматни ўтатиш мақсад қилган йигит-қизларнинг болаликда сифатсиз пойабзал кийиб ўсганлиги боис пайдо бўлган ясситовонлиқ туфайли орузси ушалмай қолишини ҳам унутмаслик жоиз.

Маълумки, Ўзбекистон "Адолат" СДПнинг "Фарзандлари соғлом юрт қудратли бўлур" лойиҳаси доирасида ҳудудларда партия депутатлари, фаолларидан иборат ишчи гуруҳлари томонидан умумтаълим мактаблари ҳамда мактабгача таълим муассасаларида болалар ўртасида сколиоз ва ясситовонлиқка чалиниш ҳолатлари, ушбу касалликларнинг олдини олиш юзасидан ўрганишлар олиб борилди. Ўрганишларда бу борада ҳал қилиниши лозим бўлган бир қатор муаммолар аниқланиб, натижалар маҳаллий Кенгашлар сессиялари, доимий комиссиялар йиғилишларида муҳокама этилди.

Болаларда учрайдиган ясситовонлиқнинг олдини олиш аксарият ҳолларда фарзандларимизга биз харид қиладиган пойабзаллар сифати билан боғлиқ бўлаётганига ота-оналар, мутасадди ташкилотларнинг масъул ходимлари алоҳида эътибор бериши шар.

Бир сўз билан айтганда, соғлом фарзанд тарбиясига панжа ортидан қараб ярамайди. Келажагимиз ворисларининг ҳар жиҳатдан тўла-тўқис, баркамол вояга етишига барчамиз масъулмиз.

Ногиронлик аравачаси нега импорт қилинмайди?

Жойларда ўтказиб келинадиган очик мулоқотлар чоғида ўртага ташланган муаммоларни таҳлил қилар эканмиз, улар орасида ногиронлик аравачаси билан таъминлаш ҳақидаги мурожаатлар кўплиги кузатилади. Ўзбекистон "Адолат" СДП депутатлари ва фаолларидан иборат ишчи гуруҳлари мутахассислар иштирокида ҳудудларда ўтказган учрашувларда ҳам мазкур муаммо фуқаролар томонидан бир неча бор қайд этилганлиги бежиз эмас. Муаммони ҳал этиш эса осон кечмайди. Базан барча турдаги маҳсулотлар ичида ногиронлик аравачаси энг танқис товар бўлса керак, деган фикрга ҳам боради киши.

Бугунги кунда бозор ва дўконлар юртимизда ишлаб чиқарилган маҳаллий ҳамда импорт маҳсулотлар билан

тўлиб бормоқда. Бу табиий ҳол, албатта. Эътибор қилсангиз, бозордаги талаб ва таклифдан келиб чиқиб, хориждан импорт қилинган турли замонавий асбоб-ускуналар, машиини техникалар, транспорт воситалари, ҳатто ўйинчоқ машиналар ва бошқа маҳсулотлар нафақат халқ истеъмоли талабини қондириш, балки соғлом рақобат муҳитини шакллантиришга ҳам хизмат қилмоқда. Аммо...

Аммо негадир импорт маҳсулотлар каторида ногиронлиги бўлган фуқаролар учун сув билан ҳаводек зарур ҳисобланувчи ногиронлик аравачаси йўқ, бу ҳолат кишини ажаблантиради. Ахир аравачага муҳтож фуқаронинг бир неча йиллаб навбатга туриши унинг шу йиллар давомида эмин-эркин кўча-кўйга чиқолмаслигини англашди-ку! Нега бу ҳолатга, имконияти чекланган фуқароларнинг энг ҳаётини эҳтиёжига

мутасадди ташкилотлар раҳбарлари эътибор бермаяпти, деган ҳақли савол пайдо бўлади.

Мамлакатимизда ишбилармон фуқаролар кўпчилигини ташкил этади. Шубҳасиз, ушбу йўналишда ҳам ишбилармонларга имкон яратиш лозим. Табиийки, бирор маҳсулот ишлаб чиқарувчига бошқа рақобатчи бўлмаса, ушбу маҳсулот сифати ишлаб чиқарувчини деярли ташвишлантirmайди. Айнан шу маҳсулот танқис ҳам бўлса, тегишли тизимда фақат навбат асосида берилса, унга муҳтож бўлиб қолган ногирон фуқароларга

"Адолат" партияси фуқароларни ижтимоий ҳимоя қилиш масаласига алоҳида эътибор бериб келмоқда. Ҳамон ўз ечимини топмаган мазкур муаммони ҳал этишга доир таклифлар партиянинг янги дастуридан ўрин олса, дейимиз. Бундай хайрли ташаббус туфайли ногиронлиги бўлган фуқароларни узок йиллардан буён ўйлантириб келаётган долзарб муаммо барҳам топан бўларди.



Бахтиёр БОТИРОВ,
Ўзбекистон ногиронлар
жамиятининг Қашқадарё
вилоят бўлими раиси,
Ўзбекистон "Адолат" СДП
фаоли

қийин бўлади. Юртимизда ишлаб чиқариладиган ногиронлик аравачалари сон жиҳатидан ниҳоятда кам, буни фуқаролар беш-олти йил, балки ундан ҳам кўп вақт навбат кутаётганида яққол кўриш мумкин.

Вазифалар молиявий асосга эга бўлсин

Партияимизнинг Сиёсий ва Сайловолди дастурлари лойиҳаси муҳокамасига бағишланган тадбирларда, оммавий ахборот воситаларида кўплаб фикр-мулоҳазалар билдирилмоқда. Уларда ўртага ташланган таклифларни кўп сонли сафдошларимиз қатори мен ҳам қўллаб-қувватлайман.

Чунки ушбу таклифларда соҳалар тараққиётига, инсон ҳуқуқларини таъминлаш ва халқимиз ҳаётини тубдан яхшилашга ҳалақит бераётган катта-кичик муаммолар ва уларнинг аниқ ечимлари ҳақида сўз юритилмоқда. Таълим ва тиббий хизмат кўрсатиш сифатини яхшилаш, Тошкент шаҳрида прописка масалаларига доир таклифлар шулар жумласидандир.

Иккала дастур лойиҳасининг мазмун-моҳияти билан танишиб чиқдим. Аввало, партиянинг янги дастур лойиҳалари ҳаддан ортиқ катта ҳажмда бўлиб, унда зўраки "шиширилган" ўринлар, тақрорлар кўп учрайди. Шу боис лойиҳа билан танишиб чиқиш ва унда ёритилган ғояларни "ҳазм"

қилиш қийин, назаримда. **Мазкур лойиҳаларнинг ҳажми жиҳатдан ярмидан кўпрогини қисқартириш, жиддий таҳрир қилиш зарурлиги яққол кўрини туррибди.**

Янги дастурларимиз бошқа сиёсий партияларнинг дастурларидан ўзига хослиги, долзарб муаммолар ва уларнинг ечимларини кўпроқ акс эттириши билан фарқланиши керак, албатта. Дастурда қўйилган ҳар бир вазифа амалга оширилганда ундан халқ қандай манfaat қўриши, вазифанинг молиявий асослари халқнинг гарданига ортиқча юк бўлиб тушмаслигини ҳам назарда тутиш адолат тамойилларига мосдир. Хуллас, сайловчиларнинг



Адҳам ЭЛТОВ,
Ўзбекистон
"Адолат" СДП фаоли,
иқтисодчи

дастурга нисбатан қизиқини пасайтирадиган жиҳатлар аҳолининг партияга муносабатига ҳам таъсир қилишини эътибордан соқит қилиб бўлмайди. Демак, дастурларимизда одамларнинг ҳаётдан рози бўлиб яшашига хизмат қиладиган, шу мақсадда қўзланган натижага олиб келадиган аниқ вазифалар қўйилиши ва уларни амалга ошириш механизмлари, молиявий асослари ёритилиши мақсадга мувофиқдир.

